

LETSATSI LA TOKOLOHO

LA 27

MMESA
LETSATSI LA TOKOLOHO



Ka Mmesa re keteka Letsatsi la Tokoloho. Sheba dintlha tse na tse hlolang mabapi le naha ya rona e ntle.

Selemo se seng le se seng re keteka sehopotso sa dikgetho tsa pele tsa demokrasi tsa Afrika Borwa ha, ka lekgetlo la pele, batho ba merabe yohle ba ne ba kgetha. Sena se ile sa etsahala ka la 27 Mmesa 1994.



SEBOKO SA RONA TJHELETENG YA TSHEPE YA DIRANTA TSE HLANO

seboko sa naha



Seboko sa rona se ile sa sebediswa pele Letsatsing la Tokoloho la selemo sa 2000. Se boetse se bitswa pontsho ya naha mme se sebediswa tjheleteng ya tshepe le ditokomaneng tsohle sa semmuso, tse jwalo ka mangolo a tswalo, mangolo a sekolo jwalo jwalo. »



Mopresidente wa mehlang Nelson Mandela a kgetha dikgethong tsa 1994. E ne e le lekgetlo la hae la pele a kgetha bophelong ba hae.

FOLAKGA YA RONA

Folakga ya Afrika Borwa e sebedisitswe lekgetlo la pele ka Letsatsi la Tokoloho, ka la 27 Mmesa 1994. E na le mebala e tsheletseng: bofubedu, bosweu, botala, bosehla, botsho le boputswa. Ke yona feela folakga ya naha lefatsheng e nang le mebala e tsheletseng.

Bofubedu bo tlameha ho dula bo le ka hodimo kamehla.

NA O NE O TSEBA?

Afrika Borwa e bitswa **Setjhaba sa Mookodi**. Sena ke hobane batho ba ditso tse ngata ba phela mona.





MATSHWAO A NAHA A AFRIKA BORWA

PALESA

Morena wa Diporotea

Palesa ena e na le mebala a metle e mepinki le e mefubedu.

E thunya qetellong ya nako ya selemo.



NA O NE O TSEBA?

Sehlopha sa kerikete sa naha ya rona se bitswa Diporotea (Proteas).



SEFATE

Mosotho wa nnete

Sefate sa mosotho wa nnete ke mofuta o sireleditsweng Afrika Borwa. Sena se bolela hore o ke se di kgaole kapa ho di fothola.



TLHAPI

Khalejune

Khalejune e dula metsing a sa tebang haufi le lebopo. E bitswa hape tlhapi e ntsho. Seo ke ka lebaka la mmala wa yona – haufi le mafika, mmala wa khalejune o batla o ba motsho ka ho feletseng, mme dibakeng tse nang le lehlabathe e ba le mmala o selefera le borontshe.

PHOOFOLO

Tshepe

Diphoofolo tsena tse tswetseng pele di lebelo haholo, di na le sefahleho se sesweu se nang le mola o leffi mme di ja ditswa mobung feela, ho bolelang hore ha di je nama.



NA O NE O TSEBA?

Sehlopha sa rona sa papadi ya rakebi se bitswa diSpringbok.



NONYANA

Moholodi

Nonyana ena e boputswa bo bothokwa bo kganyang e fumanwa feela Afrika e Borwa. E na le molala o molelele le maoto a malelele.

DIPHOOFOLO TSE TSEJWANG KA HORE KE THE BIG 5

Diphoofolo tsena di bitswa Big 5 tsa Afrika Borwa. O ka di bona tjeleteng ya rona ya dipampiri.



Dinare di fula e le mehlape e meholo. Di tseba ho sesa haholo mme di ka tshela metsing a tebileng.



Ditlou di phela ho fihlela dilemong tse ka bang 60 mme di etellwa pele ke e kgolo ho di feta e tshehadi sehlopheng.



Mangau a tsoma bosiu mme a dula dibakeng tse sireleditsweng motshehare.



Ditau di bitswa marena a morung. Di matla mme di lebelo mme di dula dibakeng tse kgolo.



Ditshukudu ha di bone hantle, empa di kgona ho fofonela le ho utlwa ntshunyekgare ha e tla le hole.



DUMELANG, BANA BA LABALABELANG HO TSEBA!



Shone Nyanadwe ya tswang Zeerust o entse rokete ka thini ya kgale le pampiri.

Shone o ile a botsa:

Dinaledi di entswe ka eng?

SETSEBI SA RONA SE RE: Hantle dinaledi ke dibolo tse kgolo tse qhomang tsa kgase, haholo-holo haedrojene le heliamo.

O na le potso eo o ka ratang hore e arajwe?

Kopa motho e moholo ho romela setshwantsho sa hao ka WhatsApp* le potso ho 076 127 6608 mme re ka nna ra e hlalisa mona. Ka bomadimabe re sitwa ho araba dipotso tsohle.